

0.0.1 manussacutisuttaṃ

1. atha kho bhagavā parittaṃ nakhasikhāyaṃ paṃsuṃ āropetvā bhikkhū āmantesi: "taṃ kiṃ maññaṭha bhikkhave, katamaṃ nu kho bahutaraṃ, yo cāyaṃ mayā paritto nakhasikhāyaṃ paṃsu āropito, ayaṃ vā mahāpaṭhavī"ti.
2. "etadeva bhante, bahutaraṃ yadidaṃ mahāpaṭhavī. appamattakoyaṃ bhagavatā paritto nakhasikhāyaṃ paṃsu āropito. saṅkhampi na upeti, upanidhimpī na upeti, kalabhāgampi na upeti, mahāpaṭhaviṃ upanidhāya bhagavatā paritto nakhasikhāyaṃ paṃsu āropito"ti.
3. evameva kho bhikkhave, appakā te sattā ye manussā¹ cutā manussesu paccājāyanti. atha kho eteva bahutarā sattā ye manussā cutā niraye paccājāyanti. taṃ kissa hetu? adiṭṭhattā bhikkhave, catunnaṃ ariyasaccānaṃ katamesaṃ catunnaṃ? dukkhassa ariyasaccassa dukkhasamudayassa ariyasaccassa dukkhanirodhassa ariyasaccassa dukkhanirodhagāminīpaṭipadāya ariyasaccassa.
4. tasmātiha bhikkhave, "idaṃ dukkhanti" yogo karaṇīyo "ayaṃ dukkhasamudayo"ti yogo karaṇīyo "ayaṃ dukkhanirodho"ti yogo karaṇīyo "ayaṃ dukkhanirodhagāminī paṭipadā"ti yogo karaṇīyoti.

¹pahēṇa-aṭṭhakathā.